

Матфеин 3 бөлг.

1. Тер өдрмүдт уснд кирслдг Иоанн ирв. Эн Иудеин назрт байрта зэнг келдг бээж.
 2. Иоанн келв: «Килнцэн суртн, юнгад гихлэ Бурхна Тенгрин орн-нутг өөрдж одв.»
 3. Иоанна тускар Исаяя ээлдэч келдг бээж: «Деед Эзнд хаалһинь белдтн гиж, хаалһинь хоодан кетн гиж кэдэ назрт хээкрдг дун!»
 4. Темэнэ ноосар кесн хувц, арсар кесн бүс Иоанн өмсдг бээж. Иддг хотнь царцахас болн зерлг бал бээж.
 5. Тер цагла Иерусалимин цуг Иудеин болн Иордана өөр бээсн эмтн эврэннь килнцэн сурад,
 6. Иордана уснд булхад Иоаннар бийэн кирслүлв.
 7. Фарисеймуд, садудкеймуд бас бийэн килнцэсн цеврүлхэр ирж.
- Иоанн тедниг үзчкэд келв: «Та хорта моһан тохмс! Бурхна ирх уурас зулад гүүх уха кен таднд заав?
8. Эврэннь бээдл - жирһлин килнцэн хаяд, Бурхна заасн хаалһар йовтн.
 9. «Мана эцкм Авраам!» - гийһэд Бурхна зарһас зулж чадхувидн гиж бичэ сантн юнгад гихлэ Бурхн эн чолудас чигн үрдүд кеж чадх.
 10. Модна уңгин өөр сүк кевтнэ, сэн темс өгдго модыг чавчад һалд хайна.
 11. Килнцэн цеврүлхин төлэ би тадниг уснд кирслнэв, зуг мини ардас йовсн нанас күчтэ. Би Терүнэ башмгинь авч йовх зөв угав. Тер тадниг Эрүн Сэкүсэр болн һалар цеврлх.
 12. Терүнэ күрз һартнь бээнэ. Тер эврэннь хадһлдг орман цеврлэд, буудяһан хураһад, өвсинь унтрдго һалд шатах.»

13. Тер цагт Галилеяс Иорданур Иоанн тал Иисус бийэн

кирслхэр ирсмн.

14. Иоанн Иисусиг зогсаһад келв: «Юңгад Та нанур ирсмт? Та намаг кирсүлх зөвтэт!»

15. Зуг Иисус хэрү өгв: «Ода энүнд зөв өг, юңгад гихлэ тиигж мадн цуг Бурхна үн күцэх зөвтөвидн.»

16. Иисус дарунь уснас һарв. Генткн теңгр зааград, Иисус деер көглжрһн мет Бурхна Сәкүсн бууж ирв. Терүг Иоанн үзв.

17. Генткн теңгрәс ду һарв: « Энтн Мини Хәэртә Көвүн! Терүнд Мини дурта таал.»